

Los fayeos de mayo  
Lucas 15

INTRO: C

Am  
Les lluces de la ciudá  
F  
llíndienme cabo la mar  
C  
hasta la playa balera  
F  
onde'l carbón y l'arena  
G  
s'abracen una vez más.

Am  
El presente queda atrás,  
F  
presu del atapecer.  
C  
Pasen sieglos nun momentu,  
F  
y oigo como nun llamentu  
G  
la voz de la soledá.

C  
Andarina, vienes tarde,  
G  
andarina, vienes tarde,  
F C  
vistida de sol y orbayu,  
G  
traes oro, plata traes  
F C  
a los fayeos de mayo.

Am  
Pente ñubes de robín,  
F  
siento l'alma mineral,  
C  
trabayada en desengaños,  
F  
apagada como'l faro  
G  
d'una mar d'escoria gris.

Am

Fatigáu del camín,  
F  
engurriáu pol bramar  
C  
d'innumerables hibiernos,  
F  
suaño los díes eternos,  
G  
espierto en nueches sin fin.

C  
Andarina, vienes tarde,  
G  
andarina, vienes tarde,  
F C  
esllumando como'l rayu,  
G  
risca l'alba d'esmeralda  
Dm Am  
pelos fayeos de mayo,  
F C  
pelos fayeos de mayo.

Am  
Pente calles de cristal,  
F  
trona'l cantu del nordés  
C  
con pallabres de poeta,  
F  
evocándome una idea,  
G  
tresportándome al llugar ...

Am  
... onde ñaguo volver,  
F  
ente los montes del sur,  
C  
onde vuela'l sitiu míu,  
F  
onde too tien sentíu,  
G  
onde soi quien quiero ser.

C  
Andarina, vienes tarde,  
G  
andarina, vienes tarde,  
F C  
endolcada nel to cantu.  
G  
Yá relluma la rosada

Dm Am  
pelos fayeos de mayo,  
F C  
pelos fayeos de mayo.

Bm  
Cuántes promesas traxeras  
C  
con aquella primavera  
G  
y marcharon col verano.  
Dm  
Llevóme la vida entera  
Am  
regresar a la to vera  
F C  
y a los fayeos de mayo.

C  
Andarina, vienes tarde,  
G  
andarina, vienes tarde,  
F C  
vistida de sol y orbayu.  
G  
Yá ye tiempu que descanses  
Dm Am  
so los fayeos de mayo.

C  
Andarina, vienes tarde,  
G  
andarina, vienes tarde,  
F C  
esllumando como'l rayu.  
G  
Risca l'alba d'esmeralda  
F C  
pelos fayeos de mayo.